

# Ленинэнь киява

АВГУСТОНЬ

2 чи,

1937 ие

№ 87 (761)

ЛКСМ

7-це ие  
чинь ютазь

ВЛКСМ-нь Мокшэрзянь обкомонть ды Сарансконь ошонь комитетэнь газетаст

## СОЦИАЛИЗМАСЬ—ТЕ МИР, ФАШИЗМАСЬ—ТЕ ВОИНА!

10 миллион чавовозь, 20 миллион лещивозь газзо, изувеченной пулясо ды снарядсо—вана сеть жертватнень веревь цифратне, конат теэзь 1914—1918 иет-несте мировой империалистической вой-насонть. Ютасть 23 иеть, ды мирэнь ведьксэ таго ашти империалистической од бойнянь угроза.

Тынь повнясынк, кода ушодовсь миро-вой васенце войнась. Сон ушодовсь мирэнь явшемантень бажамонть кувалт. Ней секе жо подоплекась. Улить капи-талистической государстват, конат ловить эсь прят влияниязь сфератнень, терри-ториатнень, сырянь источникнень, рын-катнень ды лиятнень икелье передельт пингста обделеннойс ды конат бу одс арсведеть явшем сынст эсь лезэс. Ка-питализмась сонзэ империалистической фазасонзэ—истамо система, кона лови войнать международно противоречия-нень разрешениязь законной методокс, законной методокс бути аволь юридиче-ски, то по существу" (Сталин).

Бажазь ды интенсивно моли анок-стамось мировой империалистической од войнать. Фашизмась ней ашти вой-нань главной ушодыцкс, весе мирэнь главной агрессоркс. Рой Говард госпо-динэнь марто беседасо Сталин ягась невтсь военной опасностень кавто глав-ной очагт: Востоксо—Япониянь зонасо ды Западсо—Германиянь зонасо. Сталин ялганть неть указаниязо целанек под-твердились. Кавонест агрессоряз келей-гавтыть аваргадозь аноктамо мировой од войнать. Германиясь ды Япониясь ней аштит эсь ютковасть скулмавозь во-енной прямой договорсо, конань антисо-ветской характерзэ а ашти кодамоак кавтолдомакс.

Захватической покш войнать, ко-нань сыравтыть фашистской агрессоряз мирэнь одс явшеманзэ кс, аноктамонь военной действитнень башка этапокс аштит германской ды итальянской фа-шизмать интервенциясо Испаниясо, Ки-таень яла од ды од провинциятнень са-емась, конатнень саи Япониясь, Совет-ской Дальний Востоксо японо-манчжур-ской а лотксица провокациятне. Войнась фашистской кирвастицятне активнасто роботыть мирэнь весе мастортвэсэ. Сын-бажит эрва кува озавтнемэ эсь аген-турат. Фашизмась—те война, те — финансовой капиталонь сехте реакционной, сехте шо-винистической, сехте импери-алистической элементнэнь тер-рористической наявонь дикта-тура. Самай секс Гитлер виевстэ анок-сты каявома Чехословакиянь лангс, скартни калавтом Малой Антантанть, целанек подчинить эсь влияния Австри-янь, Румыниянь, Польшанть ды При-балтийской мастортнень. Самай секс фа-шистской агрессоряз ютавтыть тевс СССР-нть каршо войнать аноктамонь троцкистской ды правой бандитнень, вредительнень, диверсантнень, развед-чиктнень, шпионтнень, махтницятнень, рабочей классонь ды весе трудитнень сюдозь врагтнень, СССР-сэ капитализмань гнусной реставратортнень, конат робо-тыть свидезь лия масторонь государст-ватнень разведывательной органтнэсэ.

Мировой войнать ужасающей пожа-рось гувноволь бу уш, ломанень верень лейтне чудевельть бу уш, бути аволь уле мирэнь истамо виев факторось, кода Советской Союзось, кона последователь-насто ды активнасто бороци мирэнь ки-сэ весе мирэнь. Мирэнь социалисти-ческой васенце государстванть мирной политиказо стакалгавтьс ды стакалгав-ты фашистской агрессорязь разбойни-

кень планост тевс ютавтоманть. Фаши-змать ды империалистической войнать каршо народной единой фронтонь серье-вной успехензэ, башка саезь Франция-со, испанской народонть героической бо-роцямозо, кона (народос) успешносто отражает германской, итальянской ды испанской фашизманы вейсэндявозь виень атакатнень, Китайсэ единой националь-ной антияпонской фронтонь элементнэ—аштит грозной предостережениякс вой-нань кирвастицятнень.

Советской Союзось атак лотксэ ютавты тевс мирэнь политиканть, провокатортнэнь ды войнать кирвастицятнень разоблаче-ниязь политиканть. Советской Союзось эсинзэ исторической ине задачатнень тевс ютавтомаст туртов а пуждаи войнасонть. Минек масторсо социализманть победазо, весе народной хозяйстванть виевстэ тве-тязомозо-касомазо макссь советской наро-донть Сталинской Конституциянь чин-зэ ало уяксава ды кенардков эрямо. Сталинской эпохась, конаньсэ минь эря-тане, ашти героической тевтнень ды ге-роической подвигтнень эпохакс.

Сеть читнестэ, зардо Гитлерань ды Муссолининь фашистской самолетнэ, ко-нат аштит войнать ды варварствань символкс, видить кулома ды ужас ге-роической Испаниясо, советской самолет-нэ, конат аштит мирэнь ды человече-ствань прогрессень символкс, невтть наукань ды техникань сэрэи уровень. Ми-нек гордой советнэ, советской масторонь сех вадря патриотнэ, конатнень воспитал Ленинэнь—Сталинэнь ине партиясь, конат эждязь ломанень кс сталинской меляв-томасонть, весе советской народонть вни-маниясонзэ ды поддержаксонзэ, валгить Северной полюсонть, теить человече-ствань историясонть васенцекс воздушной трасса кавто полушариятнень ютксо. Ми-нек родинась—геройтнень родина, секс, што родинась те минь минь, родинась те минек бороцямонь, минек испытани-нок, минек изнявксонь ды истамо роди-насть ксэ советской ломаньс макссынзэ эсинзэ знаниянзэ, виензэ, способностензэ ды эрямонзэ.

Минек арасть кодаткак притязаниянок лия мода лангс, минь а теидяно кодат-как враждебной замыслат лия народ-тнэнь. Но м нь повнясынк, што аш-титянок капиталистической окружениясо. Капиталистической окружениясь—те значит, што ули вейке мастор, Советской Союз, кона теиь эсь эйснэзэ социали-стической порядкат, ды улить, теде баш-ка, ламо масторт—буржуазной масторт, конат яла ветить эрямонь капиталисти-ческой кой ды конат окружают Советской Союзонть, случаенть сень туртов учовь, штобу каявомс лангзонзэ, тапамс сонзэ эли, эрва кадам случайстэ—сеземс сонзэ виензэ ды лавшомтомс сонзэ" (СТАЛИН).

Врагтэ эрва эндо топить оружият минек лангс каявомантень. Минек эря-монок—капиталистической мирэнь сельмс ашо. Весе лавскетнень пачк эцить ми-некек шпионт, диверсант ды лия вреди-тель. Но минь содасынек эсинек виенек.

Минек Якстере Армиясь виев ды а та-пави. Фашистской шпионь бандатнень кодаткак гнусной преступлениятнень а сатыть виев лавшомтомс сонзэ боевой виензэ. Сон касты-кепеди эсинзэ рядтнэстэ Советской Союзонь кеметь геройть, касты-кепеди истят ломанть, кода Чкалов, Байдуков ды Веляков, кода Громов, Юмашев, Данилин, кода пограничникень геройть, конат пишаст ванстыть СССР-нть а изнявикс границанзэ. Якстере Армиясь, кода зардоак эзь ульне, кеместэ пурна-возь советской правительстванть перька, Ленинэнь—Сталинэнь партиянь перька,



Игумнов художникенть премированной плакатось. (Союзфото).

народтнэнь вожденть—Сталин ялганть перька. Партиянь васень мереманзэ ко-ряс эрва якстереармеецэс ды команди-рэсь анок максомс эсь эрямонзэ социа-лизмань ине родинанть кс.

СССР-нь оборонань кемекстамонь за-монть бойкасто ды успешносто явшемазо, кона нолдазь народной массатнень веше-маст коряс, эшо вест невтнэ советской патриотизмань пек покш виенть.

Минек промышленностэс ды велень хозяйствась максыть ды кармить максомо Якстере Армиятнень весе эрявиксэнь из-нямонть туртов. Боевой виев самолетнэ ды танкатне, транспортонь ды связань сех вадря средстватне, зяро кпшсь ды велень хозяйствань лия продукатне, зяро эрявить советской народонь веч-кевикс эйденень—Якстере Армиятнень—весе те ули минек масторсо. Советской масторонь рабочейтне ды колхозниктнэ

осоавиахимень оборонной роботанть пек келейгавтозь, Ворошиловской сядот ты-пат стрелоктнэнь ды кавалеристтнэнь, ПВХО-нь боецтнэнь аноктазь максыть Якстере Армиятнень социалистической виев тыл. Минек авиационной промыш-ленностэс может максомо зяро чудес-нойть АНТ—25 ды седе вадря машинат, зяро кармить минек эрявома.

„Ды кадык содасызь омбо масторонь минек врагтэ, конат грозить минек войнасо, што сынст столицатнень ва-соло чись ков седе аламо, кода Порт-ланде ды Сан Джасинтос!

Ды кадык, истя жо содасызь, што советской эрва гражданинэсь карми улеме мужественнойкс, кода Громов ды Чкалов, зардо кортамось карми модемэ минек свободной, уяксава родинанть ванстомадо“ (Правда).

### Советской железнодорожнотнэнь праздник

Июлень 30-це чистэнь весе Союзонть келес ютавтозь чугу-кань ки лангонь роботниктнэнь праздник. Московсо, культурань ды оймсемань Горький лемсэ цен-тральной парксонть ульнесь на-родной покш гуляния.

Чокшне Зеленой театрасонть ульнесь Московской узелонь же-лезнодорожнотнэнь торжествен-ной промкс. Театрань сценанть куншкосо аравтнэзельть партиянь ды правительстванть руководи-тельнень портретэст. Цеятне ютксо аравтозель покш лозунг: „Шумбра улезэ революциянь локо-мативенть ине машинистэсь, минек вечкевикс вождэсь Сталин ялгась!“

Промксонть пурнавксность 20 тыщат ломанть. Сын виев ова-циясо вастызь транспортонь бое-вой наркомонть Л. М. Каганович ялганть, Хрущев, Булганин, Волков, Белик ялгатнень поява-мост.

Виев цяпамонь коряс почетной президиумс кочказельть Полигбо-ронь члентнэ, ды Ежов, Хрущев, Димитров, Тельман, Хозе Диас ялгатне.

Вал максозель Л. М. Каганович ялганть. Сон вастозель виев ця-памосо, кортась малаз омбоце пель час.

Мейле кортасть московской же-лезнодорожнотнэ.



## Арбузов М. Ф. ялгась аравтозь Высшей школань тевтнень коряс ССР-нь Союзонь СНК-со Весеосоюзной Комитетэнь председателенть заместителекс

ССР-нь Союзонь Народной Комиссартнень Советэсь тейсь постановлени аравтомс Арбузов Михаил Федорович ялганть Высшей школань тевтнень коряс Весеосоюзной Комитетэнь председателенть

заместителекс. Тень кувалт Арбузов ялгась освобожден СССР-нь СНК-нь тевтнень управляющеень обязанностнень эйстэ.

(ТАСС).

## Петруничев Н. А. ялгась аравтозь ССР-нь Союзонь Народной Комиссартнень Советэнь тевтнень управляющеекс

СССР-нь Народной Комиссартнень Советэсь тейсь постановлени аравтомс Петруничев Николай Алексеевич ялганть ССР-нь Сою-

зонь Народной Комиссартнень Советэнь тевтнень управляющеекс.

(ТАСС).

## Старшей лейтенантонть Серовонь ды лейтенантонть Якушинэнь награжденияст

СССР-нь Центральной Исполнительной Комитетэсь тейсь постановлени: невтезь доблестенть ды летной пек покш мастерстванть кис наградить старшей лейтенан-

тонть А. К. Серовонь ды лейтенантонть М. Н. Якушинэнь „Красное знамя“ ордентнэсэ.

(ТАСС).

## Международной Геологической Конгрессэсь прядовсь

Июлень 29 чистэ Московсо прядовсь Международной Геологической Конгрессэсь, конань роботасо участвоват 50 мастортнень представительтне. Конгрессэсь шнызе комиссиятнень роботаст ды кемекстынзе сынт решенияст. Международной Геологической Конгрессэсь эщо карми улеме тердезь 1940 иестэ Лондонсо.

Лия мастортнень делегациятнень руководителтне эсист валсост евтасть покш благодарност Советской правительстванть, советской ученойтнень ды Конгрессэнь организатортнень Конгрессэнь вадрясто организациясо кис, вадрясто вастоманть ды гостеприемстванть кисэ.

(ТАСС).



Июлень 29-це чистэ Московсо прядовсь Международной геологический XVII-це конгрессэсь. Ушодовашность сон июлень 21-це чистэ.  
СНИМКАСОНТЬ: (керш ендю витев) стака промышленностень Народной Комиссарось В. И. Межлаук ялгась ды США-нь делегациянь прятось профессорось Филипп Смит конгрессэнь президиумсо.

## ПОКШ ИЗНЯВКС

Железнодорожиктнень славной армиясь чугункань ки лангонь транспортонь весеосоюзной чиять тешкстызе покш изнявкссо.

Июлень 30-це чистэнь Союзонь чугункань китнень лангсо грузянь 119.963 вагонт—планонть коряс

122,4 процентт. Союзонь чугункань китнень лангсо те шкас эзь ульне погрузкань истямо рекорд.

Июлень 30-це чистэнь выгрузжазь ульнест 107.621 вагонт—планонь коряс 108,6 процентт.

(ТАСС).

## Васень пивцэвксэнь — государствав

Березникень р-н. Косогор велень Буденный лемсэ колхозось розень нуеманть прядызе ды кармась яровоень нуеме.

Июлень 28-це чистэ ушодызе розень пивцэманть ды государствав сюронь ускоманть.

И—н.

## Прядызь нуемаст

Кочкуровань р-н. Пакся Тавла велень „17-й партс'езд“ колхозось розень нуеманть прядызе июлень 28-це чистэ, лисекшнэсть июлень 21-це чистэ. Колхозниктнень нуема шкаст ютась культурнасто ды веселасто, перарывтнэстэ сынь парб мельсэ ловнокшность „АНТ-25“ самолетонь экипажонть ливтямодо.

Ней колхозось уставась пултонь ускомо ды государствав сюронь ускомо. Нуемань качествась парозернань апакемавто.

Колхозниктнэ макссть вал пултонь ускомстояк—пивцэмстэяк роботамс ударнасто ды вадря качества марто. Сехте икеле ды вадря показатель марто роботась 6-це бригадась, косо роботы бригадирэкс Д. Дудин уш 6-це ие.

В. Бардин.

## Ленинградонь робочейтне тонавтнить кочкамонь законоть

Ленинградонь предприятиятне ватеезь ламо тышат кружокт кочкамонь од законоть тонавнемань коряс. Ловныцякс, агитаторокс ды пропагандистэкс роботыть стахановецтнэ—производственниктнэ.

„Киров лемсэ „Электросила“ заводсонть весе цехтнэва од робочейтнень туртов организовазь кружокт. „Красная заря“ хлебозаводсонть кружоктнэсэ тонавнтить бригадава, эрва бригадасонть 10-12 ломанть.

(ТАСС).

Од кочкиянть ССР-нь Верховной Советс кочкамотнеде

## Союзонь Советс ды Национальностнень Советс кочкамотне

Минек Конституциянь коряс, масторсонок властень высшей органсонть кармить улеме кавто палатат: Союзонь Совет ды Национальностнень Совет.

Союзонь Советэнь ССР-нь граждантиэ кочкить истямо ладсо, што эрва колмо сядот тышат эрицянтне кучить вейке депутат.

Национальностнень Советэнь ССР-нь граждантиэ кочкить союзной ды автономной республикатнева, автономной областнева ды национальной округтнэва. Союзной эрва республикась, сень лангс апаке ванос, зяро эрицянт эйсэньзэ, — Национальностнень Советс кучи 25 депутатт, автономной эрва республикась—11 депутатт, автономной эрва областесь 5 депутатт, национальной эрва округось—1 депутат.

Верховной Советэнь кавонест палататне равноправнойть эрва мезень коряс. Минек арасть верце ды алце палатат, кода те ули капиталистической государстватнесэ. Минек Верховной Советэнь кавонест палататнень ули полномочиянь вейкетть шкаст, лиякс

меремс сынь кочкавить 4 иес. Кавонест палататнесэ члентнэде равной количества. Кавонест палататнень сессиятне ушодовкшныть ды прядовкшныть вешкасто. Эрва законось ловови действительнойкс ансяк сестэ, бути сон примазь кавонест палататнесэ.

Мекс теезь ССР-нь Верховной Советэнь кавто палата марто истямо строения?

Сталин ялгась те кевкстеманть лангс отвечась истя:

„СССР-сь, кода содазь, ламонациональной государства. Минек ули верховной орган, косо представленойть общей интересэст СССР-нь весе трудящиянтне, сынт национальностнест лангс апаке ванос. Те—Союзонь Советэсь. Но СССР-нь национальностнень, общей интереснэде башка, улить эщо эсист особой специфической интересэст, конат сколмавозь сынт национальной особенностнень марто. Можнели мезекскак аловомс неть специфической интереснэнь? Арась, нельзя. Эряви ли специальной верховной орган, кона бу отражал самай неть специфической

интереснэнь? Нама эряви. Не могут улемс сомнения, што истямо органтомонть а кода улелель бу управлять ламонациональной истямо государствасонть, кодамо СССР-сь. Истямо органокс ашти омбоце палатась, СССР-нь Национальностнень Советэсь.“

Минек улить ламо народт, примеркс, карелт, коми-зырянт, калмыкт. якутт, абхазецт ды лият, конатнень численностест 300 тышат ломанде аламо. Бути кочкамотне кармавольть улеме ансяк Союзонь Советс, сестэ сынт эйстэ кой-конатне бу СССР-нь Верховной Советэнтень авольть уле представленнойть. Национальностнень Советэнтень кочкамотне весе народтнэнь, мик сех малочисленностнень, максать возможность кучомс эсь представитель СССР-сэ властень высшей органонтень.

Национальностнень Советэнтень равной праватнень коряс представленнойть весе республикатне, автономной областне ды национальной округтнэ сень лангс апаке ванос, кодашка сынт покшолмаст ды зяро эрицянт эйсэст. Истя, примеркс, покш РСФСР-сь, косо эрицянтнеде 105 миллионт ломанть, ды вишкине Армянской ССР-сь, конаньсэ эрицянтне ансяк аламодо седе ламо вейке миллиондо, Национальностнень Советэнтень

тень депутатт кучить вейкедьстэ, зяро РСФСР-сь, истянь жо Армянской ССР-сь.

Союзонь Советс ды Национальностнень Советс кочкамотне кармить молеме кочкамонь округтнэва.

Союзонь Советс кочкамотнень ютавтоманть туртов улить теезь кочкамонь округт, сынт эйстэ эрвасонть кармить улеме 300.000 ломанть. Союзонь Советс кочкамонь коряс эрва округось карми кучомо вейке депутат.

Национальностнень Советс кочкамотнень ютавтоманть туртов кочкамонь округтнэ улить теезь лиякс. Союзной эрва республикась явови 25 округс, автономной эрва республикась—11 округс, автономной эрва областесь—5 округс, национальной эрва округось карми улеме кочкамонь вейке округокс. Тень пивгстэ Национальностнень Советс кочкамонь коряс эрва округось карми кучомо вейке депутат.

Союзной сех покш республиканть—РСФСР-нть примерэнэ коряс вансынек, кода кармить молеме Национальностнень Советс кочкамотне.

РСФСР-сэ, кода минь уш меринек, эрицянтнеде 105 миллионт ломанть. РСФСР-сь карми улеме

(Пезэ 3-це страницасо)



## ПРОМКСТНЭ УЛЬНЕСТЬ АПАК АНОКСТА

Июлень 22-це чистэ Ладань районсо ульнесь ютавтозь районной комсомольской промкс. 167 комсомолецтнэ ютксто, промксонтень састь 103 комсомолецт ды сетне юткстояк голосованианть самс кадовсть ансяк 71 комсомолецт.

Промксонт панжизь 6 часос поздазь, ламо комсомолецт састь билеттэме, руководствас эзь анокста комсомолецтнэнень удома таркат ды ярсамо пельть.

Промксонт кортасть 30 комсомолецт, но кортамотне ульнесть вообщо ды промксонт идейно-политической уровенезэ ульнесь алкине. Аволь видестэ ютавтызь голосованианть туронт. Вейке лист лангс ульнесть сермадозь весе комитетэнь членкс кандидатуратне ды областной комсомольской конференцияв кандидатуратне.

Формальность ды безразличность невтсть ВЛКСМ-нь обкомонь представительствек. Симдяш-кин ялгась, кона содыль, што промксонт комсомолецтнэде 50 %-тэ аламо, эзь аштек сень кис, штобу отменить промксонт. Сонгак колызе ВЛКСМ-нь ЦК-нть инструкцияно голосованианть шкасто. ВЛКСМ-нь обкомось июлень 26-це чистэ эсь решениясонзо отменил Ладань районной комсомольской вейсэнь промксонт.

Вана лия пример. Синдровской районной промксон ульнесть весемезэ комсомолецтнэде 70%. Промксонт панжизь 4 часонь поздазь, истяжо ламо комсомолецт ульнесть билеттэме. Промксонт ушодомадо икеле эзть вано кие

сови промксонтень, секс тозо понгсь попонь цера, конань икеле панизь комсомолсто.

Комитетэнь составс ульнесть выдвинутый эсерэнь тейтерь. Комитетэнь составсонть арасель вейкеяк тейтерь ды производственник. Промксонь ютась истя жо идейно-политической алкине уровенсэ ды истя жо ульнесть ВЛКСМ-нь ЦК-нть инструкциянть колсемат.

Сень таркас, штобу секе жо промксонт витемс ильведевксэнь, ВЛКСМ-нь обкомонь представителесь Бабицкий сонсь сынст возглавлял ды кадовкшнось те те-венть лангс верде вансициянь таркас.

Неть кавто фактнэ кортыть седе, мезес могут ветямо успокоенностесь ды самотекось башка руководителствэнь, истя жо корты седеяк, што арась алкуксонь (реальной) лездемо ВЛКСМ-нь обкомонь пельдеяк.

Районной комсомольской конференциянень ды вейсэнь промксонтнэнь основнй задачкас аштит: контрреволюционнй ды враждебнй элементнэнь ликвидациясь ды лангс таргсмасть; двурешниктнэде ды контрреволюционнй элементнэде рядтнэнь ванькскавтомась; ВЛКСМ-нь РК-со асатыкстнэнь таргсмасть; комсомолсо идейно-политической вооружениясь.

Большевистской критикань ды самокритикань ютавтозь таргсмасть весе фактнэнь, конат мешить комсомолонь промксонсэ аравтозь мероприятиянень топавтомантень.

П.

### Маштомс сермас а содамонть

Дубенкань район. Кенде велесэ 1915-1916 иень шачовт ламо допризывникт, конатнень ютксо улить сермас аламо содыцяк ды асодыцяк. Но партийно-комсомольской организацияне ды велсоветсэ а путыть мель те те-вентень, штобу допризывниктнэнь ютксо маштомс сермас а содамонть, штобу сынст Якстере Армияв кучомс сермас содыцяк.

Допризывниктнэнь ули мелест максомс нормат „ГТО“, „Ворошиловский стрелок“ ды оборонно-физкультурной лия значоктнэнь лангс, но осоважихмень первичной организациясь а топавты сынст мелест, а организови допризывниктнэнь ютксо оборонно физкультурной роботанть.

П. Рускин.

### Союзонь Советс ды национальностнень Советс кочкамотне

(П Е З Э)

явозь кочкамонь 25 округс, лиякс меремс кочкамонь эрва округсонть кармить улеме 4 200 тыщат ломанть. РСФСР-нть административной сеть областке, конатнесэ эрицяне седе аламо, кармить улеме вейсэлгавтозь кочкамонь вейке округс РСФСР-нть лия область марто. Примеркс, Восточно-Сибирской областсэнь эрицянеде 1.500 тыщат ломанть, секс сон ськамонзо не может улемс Национальностнень Советс депутатонь кочкамонь коряс самостоятельной округокс, сон карми улеме вейсэньгавтозь кодамоак лия область марто, косо истяжо эрицянеде аволь зяро, зяро эривить вейке депутатонь кочкамонть туртов.

Эрва кочкицясь, кона эри неть областнесэ, СССР-нь Верховной Советс кочкамотнесэ карми голо-совамо кавксть: васняк, сон эсинзэ вайгелензэ карми максомо Советэнь Союзс кандидатонь кис (кочкамонь коряс территориальной округсонть) ды, омбоцекс, сон эсинзэ вайгелензэ карми максомо Национальностнень Советс кандидатонь кис (РСФСР-нть прок союзной республиканть пельде).

Автономной республикатнесэ ды областнесэ эрва кочкицясь

СССР-нь Верховной Советс кочкамот карми голосовамо колмоксть. Примеркс, Татарской АССР-сэнь эрва кочкицясь вест карми голосовамо Союзонь Советс (кочкамонь коряс территориальной округсонть) ды кавксть—Национальностнень Советс (РСФСР-нть пельде 25 депутатнэнь кочкамото ды Татарской АССР-нть пельде 11 депутатнэнь кочкамото).

Союзонь Советс ды Национальностнень Советс кочкамотне кармить молеме ве шкасто, лиякс меремс вейке чистэ. Кочкамонь бюллетентнень примамонть ды вайгельтнень ловоманть туртов оштнэнь ды районтнэнь территориясь, конат (оштнэ ды районтнэ) севить кочкамонь округонтень, ули явозь кочкамонь участкас. Кочкамонь неть участкне кармить улеме обшейкс Союзонь Советс ды Национальностнень Советс кочкамонть туртов.

Истя вана кочкамонь заковось обеспечивает Верховной Советэнь канонест палататнес кочкамотнень алкуксонь демократической порядок.

(„Комсомольская правда“).



СНИМКАСОНТЬ: М. Громов, А. Юмашев ды С. Данилин ялгатне Марч-фильдсэ (Южной Калифорния).

Союзфото.

## Советской летчиктнэ США-со

Нью-Йорк. Июлень 31-це чи, (ТАСС). Русско-американской торговой палатасэ тейнест советской летчиктнэнь честсь банкет, конансэ ульнесть американской властнень зярря покш представителть, промышленник, летчик, исследователь ды лият. Летчиктнэнь покш мельсэ приветствовал Грэйвс генералось. Американской содавикс летчикесь Франк Хоукс американской летчиктнэнь пельде шнызе советской летчиктнэнь искусстваст, конат (летчиктнэ) тейсть весемасторлангонь од рекорд.

Юмашев ялгась мерсь, што советской летчиктнэнь ливтямонть

ульнесть колмо целензэ: 1. самс США-в, 2. теэмс сех нурыкине ки Советской Союзонть ды Соединенной Штаттнэнь ютксо, 3. теэмс весемасторлангонь од рекорд. Советской летчиктнэ арсить таго теэмс Соединенной Штаттнэс ливтямо, но сынэ энялдыть, штобу американской летчиктнэ теевельть ливтямо Советской Союзонь.

Данилин ялгась тешкстызе, што горючесень запасось „АНТ-25“ самолетонтень макснесть возможность ливтямс эщо вейке тыща километрат Мексикав, но летчиктнэ ловизь эривиксэкс валгомс Соединенной Штаттнэс.

## Тревожной сигнал Игнастово

Б.-Игнатовань районсо беряньстэ заботить од ломанень нуждатнэнь ды вешематнень кувалт.

Примеркс саемс райцентранть, Б.-Игнатовань веленть, косо комсомольской виесь лаказы-лакаволь бу общественно-политической роботасонть, бути комсомолонь райкомось лездеволь сынест. 1936-це нестэ строясть тозонь соцкультурань кудо. Эриволь учомс, што те ашти покш радостекс од ломантнэнень, но тевесь ашти а истя. Соцкультурань кудось теле-нек-кизэнек эрси пекстазь, кинокартинат, постановкат, научной докладт эйсэнзэ а эрить. Секс од ломантнэнень пурнавомс а козо, а косо ютавомс ютко шкаст колхозниктнэненгак.

Ней моли нуема ланго, тосо ламо студентт, комсомолецт, конатнэнь виесь можна теэмс ламотэвтть, но возглавить те те-венть а кинень. Соцкультурань кудонт директорозо Данилин а арси тень кувалт мезтькак. Седеяк беряньстэ моли роботась Пикшня, Протасова, Киржеман, Гудимовка ды лия

велетвесэ, косо комсомолонть деятельностисэ а невияк.

Собраният эрсить пек чуросто, ВЛКСМ-нь программанть содасызь а весе, эрзянь газетт ловныть беряньстэ ды лият.

Примеркс, Пикшня велемь ВЛКСМ-нь организациясь. Комсомолецтнэ пелить кундамс культурно-просветительной роботанть эйс.

Гудимовка велень „комсомолецсэ“ Жарков теке „бутылкань рыцарь“. Сон вейксэ ковт ульнесть иредьстэ, мезень кис канзь комсомолсто.

Сех беряньстэ моли роботась поселкатнесэ (Аникеевкасо, Пильнасо, Ракшазонсо), тосо од ломантне допрок сезевезь эриводонт. Содыть ансяк вейке: учить чокшнэнь ды салсить умарть пиретнева.

ВЛКСМ-нь райкомось соды, што районганть молисть истят безобразият, но яла теке руководителензэ (Арютин ды Сазанов) удить.

Зярдэ жо Игнастовань районсо од ломантнэнь ютксо карми улеме роботась?

Л.

### Культбригадась велесэ

Покш Березникень районсо, Пермиэ велесэ июлень 22-це чинь чокшне клубсо ульнесть постановка, конань теизе Березникень культбригадась. Тейнесть физкультур-

ражненият, морасть морот, седясть баянсо ды лият. Колхозниктнэ покш мельсэ шнызь те постановканть.

Ваня Мокшолеев.

### Панжозь эйкакшонь яслят

Б.-Игнатовань район. Пикшнянь „Красный металлист“ колхозсонть панжстэ эйкакшонь яслят ды площадка, косо эйкакшонь ваныцяне Комбаратова М. З. ды Баткина В. А. ветить вадря воспитания.

Неть яслятне, площадкась максть покш ютко шка эйкакшонь триця аватненень ды конатне сюронь урядамосонть чинь-чоп роботыть мелявкстомо.

П. Любаев.



## ПОЛЬШАСО БЕЗРАБОТНОИ- ТНЕ МАШТНІТЬ ЭСЬ ПРЯСТ

Польшасо пек кассть ярасмо-целене продуктатнене лангс питнетне. Те эщо седеяк берянгавтызе робочей классонть ды сел пек аволь цела недля роботыцтанень ды безработнойтнене эрямонь уроченест. Безработнойтне тосо кадовозь вачодо куломас. Меельс шкастонть вачо чинть ды безработицанть кувалт пек ламот маштнить эсь пряст. ППС-нь органось „Роботник“ сермады, што ансяк вейке чистэ—июлень 20-це чистэнь зярый ломанть маштызь эсь пряст.

17 иесэ Станислав Судак, кона веде теде икеле Люблинской воеводствастонть сакшность Варшавав роботань вешнеме, ансяк весть мукшность временной роботаошонт маласо эмеж-пиретнестэ, но курок панезель. Сонзэ теде мейле арасельть кодаткак кемеманзо муемс робота, ды арасельть эрямонь кис кодаткак средстванзо, вачомозь Судак ялганзо кедьстэ сайсь аламошка ярмакт, рамась яд ды Моршальковской (Польшасо главной) ульцясонть симизе сонзэ. „Скорой помощесь“ снартнесь сонзэ ванстомс, но Судак тротуаронтень чавсь эсь прынзо ды пижнесь: „Кадомизь монь куломо! Монь арась трешникомгак“.

Гдынсь эрясь Дрешерэнь ульцясонть Стефан Врублевский, тензэ 31 иеть. Сон безработноель. Арасельть кодамоак кемемазо муемс робота. А мезьсэ ульнесь андомс семиянзо. Секс сои узересэ маштызе 32 иесэ эсинзэ нинть, 8 иесэ церапть, 2 иесэ тейтернень, эсинзэ сазоронь вейке иесэ церыненъ, пек ранизе сазоронть, мейле сонгак кулось. Весе сынь маштозельть сестэ, зярдэ удильть. Теде мейле Стефан Врублевский эсинзэ киргипарензэ печкизе бритвасо.

Юзеф Дудальскойнене ульнест 26 иеть. Сон эрясь Гдынень маласо Лещинексэ. Безработноель. Эрямонть арасельть кодаткак средстванзо. Сон эсь прынзо ертызе поезд алов.

## ЯПОНЕЦНЭ БОМБАРДИРОВАТЬ КИТАЕНЬ ОШТНЭНЬ

*Китайской народось веша максомс кеме отпор японской агрессиянтень*

Японской авиациясь июлень 29-це чистэнь пек бомбардировизе портовой ды промышленной покш ошонт—Тяньцзинэнь, калавтозь ламо зданий, школат ды институтт. Китайской ошонт ульцятне пештызь мирной эрицятнене ютксто маштнэзэ ломантнене рунгосо. Июлень 29-це чистэнь ульнесь истямо факт, кона корты японецтнэнь бесчеловечностедест: воздушной бомбардировкадонть мейле кирвась вейке покш кудо, тосто эрицятне кармасть лиснеме ульцяв, японецтнэ сынст лангс кармасть леднеме пулеметсо.

Зярый тыщат ават ды эйкакшт кадовсть эрямо таркавтомо, сын аштекшныть ошонт паркнэсэ ды тротуартнэсэ. Тяньцзинсэ эзь кадов связань кодамоак средства, радиодонть башка.

Июлень 31-це чистэнь Тяньцзинэнь омбоцедэ бомбардировизь японской 11 самолетт. Бомбардировкась мольсэ кавто част. Ертозельть зярый бомбат. Ошонт китайской пельксэсь весе тапазь ды чамсь. Воздушной бомбардировканть шкасто японской концессиянт территория лангсто ульнесь артиллерийской виев леднема. Китайской войскактнене савсь кадомс ошонт. Японской войскактне

целанек саизь ошонт китайской пельксэнзэ.

Июлень 30-це чистэнь японской сисем самолетт бомбардировизь Хэбэй провинциянт столианзо—Баодин ошонт ды Люлихо станциянт.

Китайской народось веша седе курок организовамс решительной отпор японской агрессиянтень.

Китаень промышленной покш центростэ—Шанхайсэ ульнесь „японецтнэнь сопротивлениань объединенной ассоциациянт“ промкс. Промксось кучсь китайской правительстванть прятонтень Чан Кай-Шинень обращения, конаньсэ веша максомс кеме сопротивлениань японской агрессиянтень се шкас, зярс Северной Китаень 4 провинциянтень (Манчжуриясь ды Жохэсь) а кармить улеме сазэз мекев Китаенть кедьс.

Китаень ламо ошсо ульнест антияпонской покшт митингт. Келейгады движениясь японской то-вартнэнь бойкотонть кис. Китайской газетатне тердить сенень, штобу весе народонть мобилизовамс азаргадозь японской захватчиктнэнь каршо вооруженной бо-роцямонтень.

(ТАСС).

## ПРОФСОЮЗОНЬ ЧЛЕНТЭ ПАКСЯСОТ

Ромодановань район. А умок ульнесь ютавтозь полит-просвет роботниктнэнь профсоюзной организациянт члентнэнь отчетно-кочкамоь промксось. Те промксонть паро мельсэ ульнесь примазь ВКП(б)-нь райкомонь секретарент Лобанова ялганть истямо предложениязо: „Сюронь урядамо шкастонт профсоюзонь члентнэнене яксемс паксяв колхозниктнэнь культурной обслуживаниань кис“.

Сеске жо, кода прядовсь отчетно-кочкамонь промксось, июлень 24-це чистэ профсоюзной организациянт члентнэ 23 ломанть, явовсть группань-группа ды тусть райононь колхозтнэва. Вейке группа мольсэ Трофимовщинской вельсоветэнь колхозонь паксяв. Тесэ сынь васняк колхозниктнэнь ды колхозницатнене ютксо толковизь Советтнэс

од системань коряс кочкамонь положенианть. Кочкамонь положенианть толковамсто колхозниктнэ макстнест кочкамотнеде ламо вострост, конатнене лангс профсоюзонь члентнэ макссть толковой ответт.

Чокшнестэнь профсоюзонь культбригадась колхозниктнэнене невсть „Бой баба“ пьесань постановка. Профсоюзонь членэс Лапина Анна морась рузонь народной ламо морот ды Семенов Ф. С. мандолинасо седясь киштема морот ды маршт.

Трофимовщинань колхозниктнэнене неть выступлениятне тусть мелезэст. Те колхозстонть профсоюзонь члентнэ тусть лия колхозов.

Полит-просвет роботниктнэнь профсоюзонь организациянт примерэнзэ коряс райисполкомонь профсоюзниктнэнь анокстыть молеме Пушкинской вельсоветэнь колхозов.

Вл. Ананьин.

## КОМСОМОЛЕЦНЭ ДЫ ПИОНЕРТНЭ ПАКСЯНЬ ТЕВСЭНТЬ

Чамзинкань р-н. Маризь велень Пушкин лемсэ колхозонь комсомольской организациясь вети колхозниктнэнь ютксо массовой робота кода паксясо, истя жо роботадо мейлеяк. Сын ловныть колхозниктнэнене книгат, газетат.

Истя жо лездыть комсомолецтнэнене те тевсанть пионертнэнь.

Организациясонть улить вадрясто роботыця комсомолецт. Пизелкин бороци сень кис, штобу а емавтомс вейкек зерна; Видяйкин роботы старшей конюхокс, конань лишмензэ справнат.

Терешкин

## ИСПАНИЯНЬ ФРОНТНЭСЭ

Испаниясо гражданской войнань Мадридской фронтсонть виев бойтнеде мейле таго кармась улеме сэтме.

Активнойстэ действует республиканской авиациясь. Пеле-чи ено фронтсонть республиканской самолеттнэ Кордова ошонт бомбардировизь мятежниктнэнь военной сооруженияст. Тапазь военной зярый самолетт.

Интервентнэ ды мятежниктнэ таго ушодсть частичной наступления Пелеве ено фронтсонть, ко-со сын эсис целекс аравтызь сень, штобу саемс Испаниянт пелеве ено республиканецтнэнь опорной покш базанть—портовой ошонт—Сантандерэнь. Фашисттнэнь артиллериясь ды авиациясь виевстэ бомбардировизь баскской войскактнене позицияст. Республиканской самолеттнэ жо бомбардировизь фашисттнэнь вейс пурна-вома таркатнене.

(ТАСС).

## ФАШИСТСКОЙ ГЕРМАНИЯСОНТЬ НОЛДАЗЬ ГРАБИТЕЛЬСКОЙ ОД ЗАКОН

Берлинсэ неть читнестэ печатазь сюронь коряс истямо закон, конань коряс сюронь (товзюронь ды розень) весе урожаент, седе башка, зяро эряви „нормальной“ личной потреблениянь кис ды видь мекс,—крестьянтнэ должны максомс заготовительной организаци-нень. Максомань шканть, истя жо сень, зяро сюрэ крестьянтнэнене эряви кадомс личной потребления-я,—определяют фашистской властне. Законсь овси а мери товзюро эли розь нолдамс скотинань эли нармунень андомс.

Бути а кармить улеме тевс юта-вотзь властнень меремаст сюронь максоманть коряс эли бути кияк сюрэс карми андомо скотинат эли нармунть,—тень кис кармить озавтнеме тюрьмас эли саеме штраф 100 тыщат маркас, „седе стака случайнестэ“ жо—кармить панцеме каторгас эли саеме штраф пек седе ламо. Теде башка, карательной органднэнене максови права теемс решения сюронь сеть за-пастиань конфискациядо, конатнене марто азорось эли кияк лия тейсь аволь правилатнене коряс, конат-нене аравтызь властне. Истямо ладсо, од распоряженианть коряс германской крестьянтнэ целанек кармить улеме фашистской чинов-никтнэнь власт ало.

Неть мератнене ютавтоманть фашистской печатесь толкови сеньсэ, што эряви теемс сюронь запаст. „Берлинер тагеблат“ газетась видьстэ сермады, што те нестэнь „эряви ловомс сень, што урожаесь карми улеме ютасы-ненть коряс седе берянь“. Теде башка, кода тешксты секе жо „Берлинер тагеблатось“ те нестэнь Германиясо аламогладсь сюрэсэ видежь площадесь.

Драконовской те законотнэ юта-вотманзо марто ве шкане фашистской властне те нестэнь ламо сюрэ рамсать омбо мастортнэстэ.

Весе те корты войнас Германиянт азаргадозь анокстамодонзо. Фашистской властне германской населениянт пачтизь вачо-чинь паекс.

Редакционной коллегия.



СТАЛИН ЛЕМСЭ МАГНИТОГОРСКОЙ МЕТАЛЛУРГИЧЕСКОЙ КОМБИНАТОСЬ  
СНИМКАСОТЬ: комбинатонь домнась.  
Фотось Дорофеевэнь (Союзфотос).